

frustra ad prælium foederatos elicere conatus, cum fere per quatuor horas provocasset hostem, septem circiter leucas Lutetia digressus, per diem se continuit, si forte laceffiti fortunæ aleam foederati experiri vellent. Id cum frustra cessisset, Stampas urbem atque arcem cepit. Inde in Beauffiam pergens, Jamvillium recipit; mox Castellodunum delatus, Vindocinensem civitatem vi obtinet ac diripit. Vindocinensium exemplum pleræque ejus regionis urbes atque oppida sequuntur. In Turonibus deinde magno plausu ac lætitia excipitur, qua die Joannes Mocenicus, Venetorum legatus, ut antea diximus, Senatus literis Henrico redditis, amplissimam Galliæ successionem est gratulatus. Turonibus digressus, Mansiam civitatem circumfedit, tormentis quassatam deditio-
ne obtinuit; civibus pepercit, direptionem inhibuit. Eodem fortunæ cursu e Vindocinensi, Turonensi, Ambianensi, atque Maynensi provincia foederati ejecti. Anni vero exitu Maynius Pontoisa per insidias potitur. Rex, Falloisa ad deditio-
nem compulsa, Brisatium ea inclusum captivum effecit.

1589

*Henricus
progressus.*
*Joannes
Mocenicus
in Turoni-
bus Sena-
tus gratu-
lationis Re-
gi literas
reddidit.*

Finis Libri Decimitertii.